



الشاعر

رضا دياب

محافظة البحيرة كوم

حمادة

يا أم الضفاير

يا أم الضفاير فوق نيلك
عروسه حلوة على جبينك
شريان بيجرى جوانا
ومنه نشرب ونجيلك
يا مصر دايماً أبطالك
رافعين راياتك قدامك
منهم مهندس ومعلم
منهم طيب من علمائك

يا رب احملنا بلادنا
واحفظ حياتنا وولادنا
وخلي دائماً قدمنا
نظرة وتفاعل لشبابنا
يا مصر يا أم المحروسة
دايماً من العين محفوظة
ربي ما تكتبها علينا
وشيل بلادنا من الصورة
وشيل بلادنا من الصورة
يا مصر فيكي ناس حلوة
بيظهروا وقت الشدة
واقفين معاكي إيد واحدة
لحد ما تعدي الأزمة
أنا وأخويا وزميلي
وابن عمى وحفيدي
بيندهولي علي مرقص
جارى وحببي ونور عيني

علشان هنطلع نتكلم
ونفهم الناس ونعلم
دي مصر دايمًا منصورة
وعمرها ما حاتتقسم
وقت الشدايد أهو جالك
تحافظوا فيه على عيالكم
ما انتو رجالها وأبطلها
وإنتو العزيمة بإصراركم
وتحيا مصر العربية
مصر الجميلة أم الدنيا
مليون سلامة على ولادك
مليون تحية وهدية